山庫全幸

史部

欽定四庫全書 山西通志卷一百九十四

史部

詳校官給事中臣王鍾健

檢討區生覆勘

校對官中書臣潘爽雋 總校官進士臣朱 鈴 騰録監生臣湯汝梅

欽定四庫全書 とないりはないかの 敵郭烟塵而掃無穢蕃屏皇家俾可遠可大故有書 而均造化柱石王室使不顧不危世亂則運光機而 山西通志卷 古先哲王义有良輔時清則論至道以經邦和陰 招討使李存進墓碑 碑 百九十四 码。 山西通志 日夢奇

虎穴以知名氣直如弦心堅比鐵獻祖文皇帝龍潛朔 字光嗣本姓孫氏樂安人也武子之後歷世守職邊土 大夫上柱國公業紹箕裘力便弓馬入蛟橋而振譽腙 刺史檢校刑部尚書無御史大大父住振武節度都押 汗簡勒金石皆紀其功德及於社稷生靈者公諱存進 銀片四月百十二 校右散騎常侍無御史大夫祖金紫光禄大夫守勝州 因以家馬曽祖巖振武節度都押衙銀青光禄入大檢 左校練便銀青光禄大大檢校左散騎常侍魚御史

奮劍遊征平大冠而後九重發叛臣而清三輔以公生 左廂衙隊威雄第一院副兵馬使奏受銀青光禄大大 承丕構致力中原屬以天步多艱王室如燬枕戈求敵 難管開而紫塞風清戰能而金浪耀日太祖武皇帝嗣 索熟兵機肘腋之間爪牙為任時或手持雙戰腰屬两 檢校太子賓客無監察御史上柱國大順元年遷殿中 知武界早立戰功委以轉鈴煩著勞動尋補節度抑衙 野豹隱雲中常以鏖虜為心平我是務以公早精刻街

次年四年全号 人

山西通志

授寫門以比都 侍光化二年二月校右府行營馬步虞候三年正 祭酒魚御史大夫乾寧二年十月除授檢校左散騎常 戚屬光生将門水依盤石之安終賴維城之同尋補充 右廂義兒第一院軍使除授銀青光禄大大檢校國子 無橋飾勇能排難忠不病國錫以姓名同之骨肉禁連 传御史景福二年五月太祖武皇帝以公性東淳和言 五月權知汾州軍州事守禦都指揮使四年四月轉充 知兵馬使水安軍使無守禦都情 莀 ឲ 月魚 揮使

管馬步都虞候天後三年正月奉命權知石州軍州事 こくろう ミアンドラ 時以慈隰州未歸西南為患委之守郡志在安邊公乃 除授金紫光禄大大檢校刑部尚書無御史大夫上柱 和以養兵仁而撫俗輕其徭役勘以耕農惶於者遂生 左僕射三年八月轉左廂衙隊都知兵馬使魚左廂行 國二年三月除授檢校兵部尚書十月加授檢校尚書 在念報主為心夙夜在公風雨如晦至天復元年四月 右廂衙隊都知兵馬使公以累立戰數繼承天澤勤王 山两通志

於平定知公謀堪出将相有封候必當多難之秋能立 盡忠之節五年正月制授檢校司空使持節石州諸軍 尋以家學未季國患已深四方每物於經營中土尚精 鱼厅四月台書 年十二月轉授權行營養漢馬步都虞候尋以偽梁大 事守石州刺史七年十月轉充右廂步軍都指揮使八 命之年以公舊臣先老委以腹心送往事居慎終如始 百姓以為召父復出杜母再生泊今光孝皇帝初受願 通窟者後紫遠來近悦老安少懷五殼有年一方無事 花一百 九

萬免徒一陣席卷九年正月奉命再知汾州軍州事四 主上以公久戰多謀雄名制敵俾之危從同救險危十 舉克鋒僭據深真正定告倒懸之急并汾與仗順之師 使時以魏人久厭偽庭咸思真主烽烟相屬星使交馳 三農以時制授慈州刺史民歌其化如離石馬十二月 月制加光禄大夫檢校司徒十二月授西南行營招討 奉命權知沁州軍州事五月正授諸道行營養漢馬步 都指揮使十一年三月收下慈州秋毫不犯百姓後業 山西通志

廉勤素有成望九月補天雄軍都部署巡檢使行營蕃 漢馬步使仍舊公果命益恭守法益謹嚴以理下檢以 人未安親征常令預備将委權各军得其人以公夙著 排弓弩以待之其夜果有劉那賊黨偏攻都城南門弓 有日私謂人曰此贼固險不戰必有多謀俾於南門多 郭在革縣日與主上對壘經年時公在都城每協嚴備 約身犯者必誅惡者自息强豪貴勢聞之凛然偽将劉 迎我鸞輿以救塗炭泊主上駐蹕在鄰以編部未肅都 卷一百九

金足四库全書

虞乃浚彼壕隍增其樓堞力未罷果有大冠攻城內備 弩齊發死傷者甚衆遂令單騎潛報聖上初收陽留鎮 勝寨上以大冠未平黄河是阻稅縣往復舟職為勞 度麟勝朔等州觀察處置營田押蕃漢等使時為幸德 既堅羣盗尋退十五年冬随駕至胡柳陂大破汴冠迴 以為将取中原先通古渡防邊固圍非公不可尋留公 十六年三月制授單于安北都護御史大夫充振武節 在鎮守禦公以岸閣舟運城孤兵少强敵在近奔衛是 しょううくき 山西道志

多近四角石書 我襟帶遂使六軍萬馬朝出暮還動若疾雷獲如平地 建作浮橋以過銳旅力排巨浪斷截洪流扼彼咽喉壮 契丹犯境繁駕親征以公計出萬全謀深九拒留公河 十七年二月主上賞公之功就加特進檢校太保仍賜 出義師數日方濟公乃理大木於两岸貫輕舟於中 次以禦好免果偽将段某領兵攻打德勝暴公乃夜警 御衣鞍馬金銀器物綾羅錦綵等三月授天雄軍馬步 揮使行營落漢馬步使仍舊十九年正月主上以 卷一百九十四

三百戸當年鎮州有不令之臣張文禮弒其主而楊其 晨出闢內備三軍費力萬人一心泊主凱還這孽夜過 2010 Onal Lina 位潛通祭死點構契丹背我聖思恣彼免德主上以北 繼發廟算頻施殺戮雖多攻取未下以公聞風料敵嗅 門猶梗中國未歸憤為患於腹心志先平其巢穴王師 二月以公之功加特進檢校太傅隴西郡開國男食己 使公奉辭代罪固敵是求乃仗鉞而行鑿門而出支子 知兵尋付春課伸就攻討四月授北面行營都招討 山两通志

自終於陣享年六十八於戲功已垂成命不相待陳安 氣直渡漘川增其嚴管對彼派壘料於旬日以下危城 領親軍迎鋒力戰王師捷唯公来勝深入為流矢所中 雪瑩甲騎雲飛發振地之威聲勁踰漳水布連天之殺 恩殁於王事大丈夫之終也同光二年冬十月贈大尉 折濟險舟沈天子聞之報朝百姓聞之罷市大生受國 既往遠傳國士之名卞壺不迴永盡忠臣之節扶傾柱 無何伏雞搏裡乳犬噬虎我師未列彼陣先成公乃獨 卷一百九十四

金月四月百十

全儀生知懿範柔順同符乎坤道賢和共垂於家風有 院指揮使金紫光禄大大檢校兵部尚書無御史大大 後表於於常蘊兹全才以固都邑次曰漢威河東節度 子七人長曰漢韶河東節度押衙都牢城使無右廂五 人彭城劉氏間師立德約禮成規夫人渤海金氏素惠 VALO HOL LIAM 而口不言功任重而心益為懼仁孝既聞於鄉里忠勤 上柱國久讀兵書颇精師律語恭接下廉謹立身戰勝 以十一月八日葬於太原縣大夏鄉鄭村東原禮也夫 山西通志

孝敬因心忠直成性交遊不雜言行相符次口漢筠前 節度押衙沿河五陣都知兵馬使銀青光禄大夫檢校 兵馬便銀青光禄大夫檢校左散騎常侍魚御史大夫 文武之道交人以忠信之心次曰漢郇河東節度随衙 新片 四届台書· 左散騎常侍無御史大夫素總直誠早抱雄節飾身以 傳符亟揚破敵之功深得将兵之妙次曰漢殷前振武 夫檢校工部尚書無御史大夫上柱國玉堂演術金櫃 押衙安國軍馬步軍副指揮使都牢城使銀青光禄大

馬可謂的氏八龍賈生三虎併生於德門者也夢奇舊 敢竭荒無實叙銘勒庶比大燕然立碣見首豐碑後姓 熟公之知眷見公之行事諸子弟不以虚薄請染柔毫 恭故總管令公幕下十五年常在征行與公同處營累 散兒神彩疏通骨氣清秀對日之年未建摩天之勢已 多顏悟似有神通適當懷橋之年自立成人之智次曰 就書求道處約持無樂勝廊廟先人後已次日禄兒語 振武節度軍于安北都護府司馬罷度縱橫識界孤遠

火にり車台書

山西通志

島絕孤强皇義勇倜儻雄圖臂上繁弱腰間轆轤聲馳 派天演連芳玉葉出則奉解入心歇德其量深謀遠才 致异平其婉畫頻施嘉謀奏協德懋九歌龍深三接續 雄才英傑為師為生舟以濟險柱以扶傾手撥禍亂力 上将之敷再堕行人之淚其銘曰五蘇降靈四濟騰精 不吐名高若廬力大如虎銀石一心魚水三主具離石 絕塞勢爛羣胡其經以斯文綠以我武柔亦不弘剛亦 牧西南之成威以風行惠以雲布直者必舉枉者必 百九

金石で見る言

嚴而不殘奸邪流惧豪右心寒其楊留初下渡口是防 措俗稱二天人歌五榜其化行四郡思被百姓吏守公 六得位為大守之為難經巡務重制斷事繁威而不猛其得位為大守之為難經巡務重制斷事繁威而不猛 平獄無冤横水壺之瑩水鏡之淨善人為邦室家相爱 彼寇黨白浪崩騰洪流混養造舟為梁誰云河廣謀而 鎮單于以扼窮房書錦而行不獨前古其九曲連天隔 土開疆以天子思深将軍戰苦仗節權度分差列土作 百樓備險九拒謀長城島如金壕沒如湯推敵叛冠拓 ・し・しつ こしへい 山西通志

後行利有攸往其 名勇不期壽天長地長熟庸不朽其十 銀定四库全書 而萬物親指龜文而畫卦以龍圖而紀官乃服衣裳始 極雖設高軍之義孰分及乎大道喪而患類生聖人作 臣聞義帝之先大樸未散太古已降淳風尚弱玄黄之 一、桓桓上将弼我元后恶坐大樹周居細柳忠不負 新修女妈廟碑銘 り 烟塵未滅力戦酬思及而後と **裴麗澤**

運聖文神武明道至德仁孝皇帝撫天下也功業兒乎 ていり シート 天之精地之英上古之粹靈曷能若是哉今我應天廣 故得天無不覆地無不載萬世之下仰之如神明嘻非 何天有關於是煉石以補之地有傾於是斷贅以立之 嫁娶以序人倫分定九州自我而始變化萬物非聖而 風姓也當火化之初以木德而王象日月以明臨縣肇 必有司牧聖人間出實惟妈皇按帝王世紀云女妈氏 有文字由是君臣之道漸著仁義之風者與既生蒸民 山西通志

羟弗代惟将百姓為心無怠無荒故使九功惟似當謂 尚或日慎一日雖体勿体以為受命上玄庇民下土弗 金門而請吏駕鐵穀以獻琛譯有外見貢無虚日皇帝 戴日之野皆入提封太平太蒙之人盡為臣妾莫不蹈 夏馬以姦銷萬里気霾蒙走日而水釋甲子歲三川木 罪靡逾數稳連平两邦括地二百州拓上數萬里載斗 家一方宿里通於神明祥瑞荐臻嚮應交感八方聽點指 格合雲馳如雨之師辛未春五顏不庭偃草問色茅之 銀兵四库全書 尽一百九十四

又已日年上班 前代帝王皆牧黎無居萬人之上為一代之君盛德神 之處俾建祠廟使四時享祭庶百姓祈福馬乃於平陽 中泰壇的事上帝當百神之受職俱無文而成秩因思 生感於神明告於天地當展奉先之義伸報本之誠升 行非先王之謨訓不敢道念風雨之咸若而災害之不 侍臣曰朕以道泣四海思臨萬邦非先王之德教不敢 相傳防蠁如在乃語諸郡縣應境內有先代帝王陵寢 功民到於今受其賜者豈可干載之下寂寥無間景象 山西随志

莊神寢載新廟貌如故成一時之輪與壮萬古之威靈 金足工匠人二 爰葺十室俄成長廊窈窱以凌風大厦峻峭而拂溪南 若非我后事天明事地祭神道設教孝治天下布無為 馬承阿而若馳金碧相耀丹青平映既嚴且肅不斧而 大匠以堅易脆去故就新鬱鬱之松難減澗底嚴嚴之 故都得女妈之原廟命中便董事有司揆功選良材名 北百丈東西九筵霧罩落楹香飛戶牖虬負檐以欲動 石盡出他山上棟下宇以如裁左碾右平而若畫一日 卷一百九十四

降實維妈皇始造琴瑟始製笙簧以調天地以和陰陽 シスノコロル かん 問問元氣煌煌泊服禪於四大熟權與於百王伏義已 煉石補天分神功莫測斷鰲立極兮聖德寧量我后撫 冥之德凌兢進贖謹為銘曰二儀初剖四維未張大樸 毛之遠矣微臣不传奉部為文曾無磊落之才曷叙旨 之化施不測之功行前王不行之思成近代難成之事 化陳後主造迎春之間止事荒遊商権聖官何啻九牛 化字區外澤添地中與夫漢武帝起通天之莹惟求羽 山西通志

潔分千年萬歲福蒸黎兮地久天長開寶六年歲次辛 聖帝明王曾無廟貌空載絲網俾特新於祠宇用永為 於然害祠既崇分將靈交感神有知兮報應的彰專蠲 金分四屋 百章 救其弊則盛明之道孰為彰早者天之數也仁者湯之 運妙用無方事天地以明察薦鬼神以馨香言念前代 天不以大寶鍾於湯則您完之災熟為恤湯不以至仁 酉十一月十六日刺建 新修成湯廟碑銘 卷一百九十四 些

Nadonal Zikin 謂全其覆載之思廣於天地之能者乎加之五反求賢 道在相須理由共濟者其如較湯之功量民之賜斯所 能載也而不能覆苟覆載之一關顧人物以何依此即 之戾歷古而下其功不忘嗚呼天能覆也而不能載地 於於絕者則湯大有造於天下也是知宣湯之德祛民 之早華夷萬國嗷吸咸迫於焦勞寒暑七年擾擾終逃 不可違則知旱不作無以施湯之仁仁不施無以放時 行也數既有時雖大聖而不可挽行有於已雖上天而 山西通志

割 南指荆衛越重湖而靡煩一葦西顧巴蜀闕三峽而何 之成四載以寧下土昔者否運相繼英風不與四疆侵 皇帝之有天下也比女妈之鍊五色以正上玄賴文命 假五丁并分暫駕而頓空交廣長驅而大定掃為之速 安可同年而語哉應天廣運聖文神武明道至德仁孝 比大禦一時之災桿一方之思登吾祀典恭我國章者 八遷定國祇其網澤流於禽獸把其餓功革於淫荒則 以弗還六府耗竭而奚有我后投袂而起按劍不平

金元四月白書

长一百九十四

思鑑威德於前王啓嚴祠於舊國尊帝者之制彈梓人 萬古展豐潔於百王表蒸民之受賜俾後代以知勸仍 之功土木所與各儉成式而復備衣冠之數於以見車 えんこう 揭貞石克楊英規聖人有成夏古無對臣也位於烏府 服以庸定性牢之秩於以見於祀不絕非獨振輝華於 而樂天端冕凝流於以示華夏之無事豐財利用於以 開開無傷既而武功成文德備千官真以揚職萬國熙 **示官庶之有程載還淳風九屬不運然後舉墜典沛豐** ~ 1 1.1.2. 山西南志

多定四库台書 學謝為都根朝野之宏綱已非稱職紀皇王之能事九 **匪當仁徒奉綸言强抽秘思庶使禁其樵採何勞枯太** 戊之桑身以盤盂不假負阿衡之昌謹為銘曰把鉞而 麾天下服其威負的而至天下知其歸惟湯之舉然民 所依是歷千古宛然清輝剪髮而祀天下受其賜解網 餘美湯之舉也既如彼湯之理也又如此乃較功庸實 而祝天下知其惠惟湯之理然民攸又爰歷千古焯有 卷一百九十四

唐國之封大禹莫冀州之城殿有巨鎮兹惟恒山却碼 乎地屬陰方位居水德於八卦在坎於四時為冬固陰 來裔昔如是今如是天長地久兮何言哉有以見表明 年衰冕於是乎備今古遺典皇王能事仍勒自石伸光 シュンローニ ノ・ナニー 冱寒萬物之所藏伏早生晚熟五穀之所薔滋帝堯開 臣聞元氣胚渾結而為山蘇幽靈肸饗降而為神祇別 王而在聖帝 重修比截廟碑銘 山西通志 王禹偁 五

上帝代南趙北我實主之福善禍淫人皆仰止名載乎 積厚窮陰出雲見怪雪霜風雨橫施及物之功泰華島 象流形名叶雷風之兆下幹坤軸高摩斗題土俗粹靈 祀典德加乎生民視秩於公遵周制也列爵為王肇忠 衛共揭參天之勢夏是陰陽熟無主張洪惟岳神受命 之質符在目容之蓬原足凍長城之盛影連人漠之墟 登神仙者七十户歲時祈禱置稿祝者九千人藏簡子 塞以標雄壓龍荒而挺秀天官畫野勢當品畢之星易

多是四周在書

悉一百九十四

戎以安然猶焦勞克已宵旰臨民每戰戰兢兢念原原 **兜離沸消雜官懸之曲文德麗星辰之象武功彰雷電** 室也既奉時祀亦養天災凡水旱竊疫之沃舉玉帛些 之成宋文帝之讀書則七行俱下周武王之振旅則一 無状化竟封於比屋雕題儋耳駢羅入王會之圖傑係 天宗道皇帝之撫運也天祚明德民懷有仁括禹畫於 抢之事必有的報談符至誠歷代奉之其來尚矣我法 本本师虞舜之無怠法文王之循勤至若廷披椒房儉

1くこう きんみす

山西近忘

籍放造士之秀也日坐便殿躬覽庶政達窮民之情也 是乎有縲绁之思非鬼苗禰将之時無馳騁畋獵之事 非朝會燕饗之日無金石絲竹之音歲出御題親考貢 褐於足乎有納帛之賜當各操局則較下狱之非章於 降湯王之禱桑林也哲后之罪已也既如彼上玄之祐 之退炭惡也大旱作冷股常膳而責躬故崇朝而霖雨 何者恒文告差御端門而引咎故一夕而亭等沈宋景 約中度離官別館行幸殊稀隆冬御裏則念萬年之無

金月

四月百十

卷一百九十四

Aladama lika 時但的邀福之心學典無文我能具舉別兹陰岳固有 啓必益之祠豈比大裡於六宗未治禮神之義祀於五 祭祀而為人祈福行政令而先天弗選菲飲食而厚牲 命艱難王業若斯之甚耶于是庶政交修百神蠲潔嚴 謂如有王者必世而後仁其是之謂乎不然何寅畏天 善也又如此易所謂聖人久於其道而天下化成語所 **教章華家珠施受王者之册禮大年柜鬯命守臣而行** 醪天神地旅饗至誠之薦里宮室而崇廟貌名山大川 山西通志

實依人之祀虐民自作敗亡之計被曲我直坐觀盪覆 宏北襲衛二之珪壁索彰神異祠祀之威英之與京然 之期聖上猶示合容更期柔服戰天威而自守益民力 多分四月石書 山不從稍夏之心遂縱燎原之火殊不知天惟輔德神 之驅未逃其叛先是匈奴之犯塞也來請祀守卜其吉 而望有污隆時有與廢雖無方之體奚往不通而有像 事下建玄冥之宅旁臨黑帝之居因道武之基高舊推 之是電單子之火照甘泉宣傷文帝頡利之兵陳渭水

容乃與麻無於以列徒御之繪事門闕有異階陛斯隆 子來五材實繁百堵皆作乃後堂殿於以嚴像設之時 黄門貴人鳩工而董事 柳楠把梓以雲集絕墨斧斤而 繡柳雲梢互曜烟霞之色璇題藻井交合日月之光旌 ハく こしゅう ハテラ 将落之神用至止願餐惟馨之其永安不測之靈三獻 旗衣服的其文簠簋豆邊陳其數能事畢矣神功煥然 未累太宗亟命有司維新大壮鳥墨御史持節而吃徒 不悠揆日之期再聳凌雲之勢於是戒尸祝命使臣我 山西近志

以雷霆勒其大羊之類然後雨我未恭潔爾姿盛鑄農 器而毁戈艇存與多核耕邊田而能士卒永樂豐年况 今将相叶謀人神共志豈使韓昌張猛刑白馬而登東 金兵四月石書 减尚思韓絲之言更鑒王悝之策安民和衆契天地以 山将令去病衛青取金人而踰北海何往不利何謀不 **未平龔陰兵而助順或示之禍福革彼豺狼之心或鼓** 溜車磨誤鳴珂之振響介商繁祉底吾邊民况擴俗之 具而禮成八音和而神降溪雲拂楹如絲節以翻空山 一百九

哉夫如是則封狼居而禪姑行但事窮兵臨瀚海而勒 度量衡而必同升中於絕獻之前肆難於重盛之下起 彝章輯五瑞於公侯問百年之者艾燔柴奠玉如西岳 為心合垢匿瑕諒神明之降鑒付靈量之偃柘備法駕 燕然未為神武者也臣沐浴皇澤優遊紫垣請終軍之 白雲而表瑞何止低宗呼萬歲以效靈豈惟萬岳而已 之禮容陳詩觀風察此方之哀樂聲名文物以咸備律 以省方千年南面之尊永知高枕十月比巡之禮盡聚 alangual distance 山西通志

諒聰明分無得喪維廟貌分有與亡嗟晔客分盜毀遇 **玷他山之石謹為銘曰節彼恒山峻極於天崛起萬仞** 纓非無壮節投班起之筆尚員明時慚非擲地之才有 多方四月全書 哲后其誰尸之中山器守我視公分爵為王金其几分 玉其林何以贈之分赤芾斯皇何以處之兮峻字雕牆 明岳神上帝所授不騫不崩可大可久其誰祭之皇宋 生乎一卷摩空憂漢控趙排燕人皆仰止神或憑馬明 配房分得在物成败分有數神香冥分無方雖像設分 卷一百九十四

騰茂實握氧符兮闡坤珍垂干齡分萬祀永昭德於吾 朕緬觀舊史歷覽前王莫不事天明事地察以明察之 君 之妖気齊泰山分等惡父並亭亭兮接云云飛英聲兮 絕代馬之南牧揚和鑿兮北臨有效靈之雲物無出塞 神彰皇家之至仁天輔德分我有慶思害盈分胡無人 ハス・コーション・ハートラ 云壞於精靈分靡傷的新斯廟表天廳之不道的詞 汾陰二聖配饗碑銘 山西通志 宋真宗

一部近四府全書 之應方截之巡禮莫大於兹文其可以關別後安貞之 感墜典由是咸修祉福來同蒸民以之交泰乃知蕭鄉 理博厚之功竅以山川麗乎草木書云剛克乾健是承 志格天地之休在乎祗畏於神靈嚴恭於祭祀誠明的 異神道依憑中斷洪流揭成高阜俯瞬修暖崛起而在 其俗富庶接秦雍之郊其民忠淳被虞夏之教地形詭 雅上者汾水之曲巨河之濱故魏之國都舊晉之疆土 易曰無疆資生攸在豈止獨事於北岳同禮於泰壇乎 卷一百九十四

燭壇始彰殿應黃雲獲民後放其祥是以百穀蕃滋本 武操方邱之儀視泰時之制因兹告土祀乎坤元終光 鬼下望平皐斗絕而盤鬱故得傳於簡策降厥複祺漢 通珍符不顯既琬琰之斯刻亦棟宇之雲與國家春命 豐盛親享者再至景風甘雨大有者累年斯又精意咸 洛京省方於其野視靈場之未限思多樣之能祈潔家 枝茂盛綿載禛而雖久膽兆城而尚存唐玄宗回與於 俯臨不基肇建太祖啓運立極英武聖文神德宏功大 ノス) 日 いな たけかの 山西通志

多方四周台書 唐,孝皇帝承人統恢至神御羅圖調玉燭武戡定而不 於上蒼佑乎率土太宗至仁應道神功聖德文武大明 孝皇帝應天意順人心察審機運金銀揖讓以開國征 殺文經緯而化成三代典型從兹而復四方風俗因此 伐以濟民天下書文自斯而一城中黎獻由是而蘇合 惟祖宗之積慶暨穹壤之降祥政得其宜人無其怨九 明未能燭理徒云涉道罔獲知方常用戰兢靡思逆豫 同醇化滂流不功盡善顧惟眇質嗣守鴻蘇雖曰繼 卷一百九

盛德之事豈假於薦馨而蒲坂之民河東之守咸言坤 息於索難予且何功神質重佑養者從僕望答私大東 孝思克展歸格藝祖慶賜方周內顧之懷獨深於若屬 車伴從拒絕量期庶尹復貢食謀以為答昊天祈繁祉 情端見接神期觀於巨禮眷惟寒味何敢竊當始部公 載沒有草生實有方壇備存舊社囊封奏御遐達於東 符以觀民上封而紀號盛禮斯舉先志紹成防配岱京 とこり言とき 德成事四表來實中夏大寧 耶存於尉候殊方一貫已 山西通志

豐奉於朕躬戒乎繁而勿戒乎簡益以達精意非以振 動定四母子書 清廟既而整羽衛駕車與不喧不謹以涉乎夷路有嚴 有翼爰届乎名區用後揆靈辰具嘉薦惟精惟一以奉 良厥儀斯備臨遣上宰柴告於園邱祇率百官裸将於 体聲上下克諧人神交暢役不愆素工靡告勞厥日惟 勉從由是發至誠告有位充於祀事畏乎儉而勿畏乎 行之則紛委之禧集於兆姓念固辭而靡獲乃增惕而 后辟之職也蒸黎之願也止之則謙尊之德在於一人 卷一百九十四

とこの単位的 ! 成秋五方報嘉生之惠序圖録遵介邱之規用犠牲若 乎以芬必躬以親如觀乎琴録並配二后昭累盛之基 明神固不足慰來休之謠亦無幾協時巡之典噫結絕 掌后撫庶民存問者年觀覽舊俗加隆於先哲增重於 誠恐行之不及罔有知而弗為既而考遺文頒渥澤朝 以降重衣而王商周之前莫能縷述漢唐之際可得詳 封信祝乃驅五輅執爵以謁嚴祠将達至處豈循常典 比郊之度八成而來格三獻而肅祗乃命三公界石以 山西通志

今予冲人踵兹盛則可以追美於二代交歡於三神唯 當竭寅畏之心增氣聲之志事明祗而如在視點首而 言元馬之隆開元之盛咸駐雖於郊上並奠玉於澤中 載至矣柔祗穹吳比大生植攸資乃有嘉殼以食蒸熬 動与四人八二 成德必報明祠在斯瞻言胜上允居汾曲赤伏膺符黄 類之仁傳乎不朽奉持盈之訓保乎益恭銘曰博哉厚 如傷居安思危無忘於齊懷守成如始常真於和平 以繼慶靈一以達眷佑至若刊樂石鏤信辭亦期昭錫

パショラ かけ 儀功歸二聖祗答玉体勵精無政刻鏤貞珉發揮駁命 辭靡獲衆望條從乃奉實録言駕時龍親時遭彈並配 雖在感禮莫陳洪維先后伴又兆民實開不給以監沖 靈受錄咸者輝景並的社福肇建靈擅式陳嘉玉舊域 祖宗式申昭薦庶達寅恭既展至誠爰順具慶佑降兩 **紹納之士後望何勞奏章疊至願降巡方期觀明祀坚** 人徽猷仰繼關典成伸初俾元封方增楊厲河潼之氓 魏文侯墓碑 山西通志 謝景初 ţ

旁記墓在勝水之陽與其周旋島大甚備至大中十年 唐開元二十年孝義令楊仲昌所作魏文侯碑在馬其 嘉祐戊戌歲予為吏汾州既至考圖牒則曰魏文侯都 金月四月月十日 之墓在孝義縣西五里東漢郭泰林宗之墓在介休縣 東二里蔡邕作林宗碑在墓之側他日涉郡守園池見 而於州城之東大中佛寺北無得林宗碑備刻二解其 刺史在駢白孝義移於此且盡似想之世系始卒於下 蔡邕之文其一記林宗後裔織息不刻立碑之年載 卷一百九十四

藏而林宗亡之矣益楊氏所建文侯墓側載述之詳也 孝義学令復介休問邱令訪求二墓已而得魏文侯之 墓夷也今林宗墓既不可得幸而得文侯之墓如不表 識久之則亦削平磨滅如林宗無疑也於是便李令改 惜乎人知爱其碑恐暴露致折而徒之不知其碑徒而 推本似隋唐間不知何時移置州城也予遂養二碑界 駢所列者盡錢而立之養例予是為記其由無幾可考 石別刻楊氏之碑與其所記墓之所在周環島人并崔 フリシ ここう 山西通志 Ť

矣 銀定四屆全書 益公輔得人之效數若夫本經術以熙治載清淨以鎮 昔者兩漢之盛也輔相以清淨寧民公卿以經衙次事 命不融齎志莫究愚於比海島公殄瘁之嘆深矣公諱 浮翊我昌運高邁於三五澤斯生民永濟於富壽而賦 故文景顯肅之際為賢主為治世炳馬幾於三代比隆 觀文殿學士尚書左丞島若訥神道碑 卷一百九十 文彦博

丞太常博士三治劇邑所居不尚赫赫之譽去後人皆 スペーコラ ノニー 並贈太師中書令無尚書考封祁國公曾妣王夫人祖 中甲科調彰德軍節度推官秩滿改著作佐郎遷秘書 妣馬夫人妣問夫人封魏晉秦三大國悉用公貴而追 名德軒晃赫夹相望從仕隻遷今為太原榆次人曾祖 若訥字敏之其始齊之公族於春秋時甚顯逮漢而後 奉母夫人萬汲郡在陋安貧嗜學樂道天聖初舉進士 錫命也公早有奇節提然不羣祁公之捐館公始十歲 山西通志

今進對立侍若移刻而罷於咨諏體貌之禮固有未盡 論罷之內侍長居中任事恃恩而肆公率同列極言而 雜事赐三品公选居諫垣當職論事務中時之急病若 除右司諫直史館起居舍人知諫院改刑部員外郎知 斥出之復言令執政古三公之任所謂坐而論道者也 犍為土豪緣戚里為郎得大郡公謂玷郎選輕郡寄亟 思之堂樂御史改監察選主客員外即殿中裏行未幾 多分で四人生書 冝復坐論以通上下之情以完都俞之美上以為識治 卷一百九十四

無侍讀丁春國憂累的奪情憑懇哀訴祈終三年喪國 部郎中除諫議大夫無御史中丞理檢使上憫雨旰食 與軍部復留弗遣麟府宿兵高選外計乃遷禮部郎中 大門可車在車 始也服除還舊職尋改龍圖閣直學士史館修撰遷吏 朝故事官待制以上遭喪類卒多起復今許終服自公 河東路都轉運使上思公學術優深議論精敏亟名還 體而深器之於是益有大用之意除天章閣侍制知水 因公奏事問雨赐所致乃推本洪範五事稽合時政及 山西通志

載清淨以鎮浮有兩漢賢公卿之風為得之矣其在政 金足也是人二 府也僥倖干澤事從中出者請格不行后妃之族當避 亂之原上未尝不前席以放納故思謂本經術以熙治 奉行故事簡靜慎重不輕改作常曰萬目而憂世者非 檢校太傅為樞密使公践歷二府始終七年循守法度 使居二歲以工部侍郎參知政事又二年由戶部侍郎 致治之心也每被顧問必傳經以對係理明暢極盡治 救荒之術上大感 悟益嘉公之博治數日雅拜極密副 卷一百九

陵櫻城負固王師攻逾月未克時議欲開其自新之路 贼心守險以老王師雖多馬恐不足施公曰賊扨數勝 荆廣之甲若驅市人故屢戰屢敗公議遣大師總北兵 将必行天誅蠻寇邕管蘋外縣然承平歲久武備闕習 及隴西之勁馬以往則 不窮討後格亂階威靈不震将為夷秋輕笑當濟師易 權保思請不預執政悉豁為永法在樞府時屬盜發甘 以容貸且使免賞離解公謂貝於河朔兵屯素盛今 計日可平或謂此兵不習南風

久己口戶白馬

山西通志

テハ

聚 胡能為哉二冠削平悉如公算又患 兵兄而實浮議 以須爰立乎公既釋重務遂所願自退朝即杜門燕居 罷召募并汰衰老要在節用題本人給家足為太平長 金月四月石雪二 觀書為樂紹鄉高其進退以至和二年八月二十九日 士同草牧置制使不許外出且魚進讀益将用其所長 碓不可奪上重選其志久之乃除尚書左丞觀文殿學 久之策性冲澹不喜夸權累奏章祈解樞柄辭情切至 理必迎戰以我訓士精兵出其不意而夾攻之蠢爾雖 长一百九十四

是秦國終享壽康及公感疾之始自於其脉曰吾殆不 之原從祁公之兆禮也初公寓汲時秦國有疾公左右 文莊以是年冬十月已酉葬於開封府開封縣衰親鄉 奉養藥劑必親遂精意於醫書且曰是術也前世名儒 臨莫既傷名臣之不怒又視其居處儉陋歎其清節者 巨公能者多矣况人子奉親可不知耶因研究得妙以 久之賻贈加等廢翌日視朝贈尚書右僕射太常諡曰 **遘疾竟於宣陽里之第享年五十九上聞計震悼趣軍** 山西通志

ころこり言という

if H. 素其能若是乎公既葬上追思之深親灑宸翰以表其 東首神爽不亂恬然以逝非達生知命安時處順之有 隧 矣遂成其子母軓奏以貽上憂吾死殆不得有所請 内銓三班院間被站定泰尺以協樂律之正制兵紀以 起諸子欲請各國醫高手者公堅曰止雖和緩不可為 朝之華選劇任必與馬同知禮部貢舉再取士得人 特為最又為京西路安撫使入契丹國信使領吏部 日儒賢之碑有以見君臣始終之義厚馬公以察望 及

動好四四百言

卷一百九

娶王氏封壽安郡夫人夙有賢範後公一年而殁以明 得失所學必窮其理過於用每該歷代治亂之迹貫穿 深公性資方介中立無黨惟道是信不以世俗毀譽為 嚴軍師之典裁損祠祭服器復古之法今悉用之朝議 石吉甫光禄寺丞元規大理評事皆修謹篤學能世其 年正月五日科公之兆嗣子彦輔内殿崇班次保衡安 明白如指諸掌聽者釋然忘倦文集二十卷尤學之粹 推其精密愚與公布衣時為友居政府為僚故知公尤

くこりらいか

山西通志

常博士張祖次適王宗詰 令以府君昼朝累贈太常少卿妣皇甫氏追封安定 孫 家長女適游全次適祠部郎中秘閣校理林德次適太 **剑兵四库全書** 君諱池字和中其先河内人晉安平獻王之後王之裔 因定居遂為里人馬曾祖林祖政當五代叔運不求仕 一時尚氣節鄉黨嚴尊之考炫舉進士仕至耀州當平 征東大将軍陽始葬陝州夏縣凍水鄉島城里子孫 天章閣待制司馬府君碑銘 一百九 龎 籍

意不喜膚末為文根於正道不為琱琢而憶事度物燭 嚴重點見於豁也志度淵遠人莫窺其際讀書研求精 柱之險路迁且惡至道中有建白開岭山道自聞喜抵 見冥玄先是運两池鹽率由蒲坂亂實津截太陽經底 君未冠獨曰鹽利通流諸夏前之議運者未知此道之 垣曲比前運減費什六七陝人無賢愚皆推服其功府 太君少哪治行士節具於張唐鄉所造墓表云府君方 便而利人與有而不知知而不為謂前無仁智者乎殆

スカンコー風 たいから

山西通志

益州耶縣二尉耶民忽有為言云戍兵将變又云草蠻 意以随其曲不求疵以彰其過人皆重之歷睦州建德 二年進士及第授河南府永寧縣主簿以清勤愛民間 縣牢陳中享傲根人也待府君縣慢而奉之益恭不阿 陽託他事請府避之府君攝行縣政適在正月之望乃 已叛富室爭處珍寶麗匿林野人心蠢騷知宰問邱夢 出運車泊人牛漂流不可勝計道逐廢衆始服馬景德 有巨害於其間耳衆皆少之而不然其說其夏山水潰

起立い

月石二

Ú 省著作佐郎出監壽州安豐縣酒稅尋徒知遂州小溪 してスンフェミンチラ 田員外郎出知耀州擺授利州路轉運司進曹度支泊 縣事就除本省及秩滿還朝會龍圖閉劉學士其出知 由是人心安誠言止考滿縉紳薦能者十有三章選鄭 河南府蔗留守司辟知司録司事俄拜太常博士留守 州防禦判官頃之移知光州光山縣所知交薦拜秘書 命開郭門燃燈恣民遊樂廷中更叩頭爭之一不聽感 ,判闕後以為升數日入為羣牧判官任中除尚書屯 Ļ 西通芯 ž

於 職知杭州移號州晉州慶思元年十一月癸未以疾終 章問待制知河中府道改同州歲餘遷兵部郎中仍前 又以戶部判官各到省改判鹽鐵勾院上滋欲進雅之 兵部代還因求外職知鳳翔軍府事以知諫院名慰蘇 國近四屆全書 數上疏言得失歷三司户部度支鹽鐵副使景祐未天 不就上因知其退讓至是益嘉之進直史館府職如故 以本官無侍御史知雜事在臺拜工部郎中賜服金紫 即治之安静堂享壽六十三先娶曹氏無子亡後娶 を一百九十四

Carried Liter 富試中書省正字府君之捐背旦光泣護旅觀歸於故 鄉二年八月癸酉葬於淶水南原之晁村以從先瑩二 公事且光皆文雅夙成而有清直之氣是可知遺軌之 以蔭補将作監主簿服中改太常寺奉禮郎望早秀而 **届氏秘閣較理震之女封錢塘縣君才淑之譽孝睦之** 行著於閨門而稱於鄉黨馬先府君一年而逝三子旦 不墜矣女一人過,傳陵崔殼孫二人良武将作監主簿 天光進士高等以将作監主簿儉署平江軍節度判官 山西通志

侍 計 信其尚素不謂矯能安於靜退恬於榮利優游銓調十 卿終俸禄餘積直錢數十萬府君一毫不留盡奉諸父 金月四月月日書 付 七年他人為之情、數而處之怡然先朝以馬政之大專 而自以至貧居喪及佐永寧虀鹽不充身常乗騙人皆 大人科謹按府君之為人奉身儉潔而臨財無各始少 省則出為糾刑漕運時情奔競唯恐失之極密使曹 樞弼 中利用與府君無素采公論而為群既聞名命即投 且許自擇其僚得判官者其遷次不內佐京府 卷一百九十四

誦言嗟痛之士夫益服其行在岐下朝廷虚諫院以召 之泊曹之南贬坐朋附得罪逐者十數人衆美其先見 非公事未曾私造已見其勢偏禍速然以交流不克規 煩灼天下趣比之者盡脂章嚅唲之能府君端怒自守 之府君謂諫諍之職不過二途或犯顏箴闕以盡臣節 而免府君曰前在洛間召謂入為御史非所樂故辭苟 知曹公舉佐羣牧登即行矣自是不出一語彰曹之短 河南府固請不赴古下敦遣乃行就職時曹之權鉄 シラニシ ノントラ 山西通志

銀定四角全書 節士乃有天章閣之拜惟君知臣豈虚也哉府君生平 或吐剛養望以取贵仕是不害身則喪名鳥能兩全之 奉上官不回曲於朋友盡規切知人之善面則勵之背 近所毀故上初無思言俄曰是嘗辭羣牧諫院者真名 决志請該為時所稱及在鹽鐵歲滿牢司進擬適為權 而 心尤不好名學在餘杭不飾廚傳不樂遊宴以靜臨下 則揚之為政大抵以正綱紀塞僥倖抑權豪恤孤弱為 事益簡寡以公制物而政無私謁亦以是獲怨惡仍 悉一百九

山時薦者已衆一夕夢吏銓引對遙望展宁天姿尚幼 校馬初府君以孤介之節無左右之助自進直太史入 罷去退居小郡未營於帶於心亦不憶曲直之理而思 べんの回回 人は 絕無遷望獨先聖進豫思簡政以便順養今上在春宫 之期方遠俄而代歸釣校於天官對有日矣自以夢兆 時真廟撫運既驚悟心悸汗治而不敢言因然念升改 副綱憲以至於登內問為侍臣實由天子特知之在光 有的非大除拜大刑政皆皇儲次之後數日有司啓引 山西通志

諭的晰之如是乎籍獲接府君之遊舊矣始聯事於草 冥兆也将君臣感會皆攝契於未形耶不然何神明覺 於資善堂仰瞻昨表一如夢中豈龍德飛見必示期於 金月四月月十 於文矣然以和中之知與二三子之勤請曷敢不勉銘 書行實見求撰次籍以制兵監邊方事之劇無後提念 故知周而契為旦光泊猶子里永惟微懿謀列金石泣 之銘曰禍萌惟微見之者明我智既效畴云弗於權人 牧後籍為戸部判官府君實本部副使遂同為待制臣 卷一百九十四

我當谁其知之哲君惟皇道追命局鬱矣其亡琢兹温 薦推常心所荣我方拒避嚴敦乃行勢盈禍速罪連比 枯禄某其先出自晉安平獻王自周隋之前家凍水之 礎水識端良 收命於成嗚呼和中懷此明識始終險夷莫匪清德衆 人皆進我獨退之衆人多曲我獨直之直豈我名退惟 朋先見之哲推而不膺帝求諍臣韶來自京懇章以辭 贈都官郎中司馬君墓誌銘 司馬光

とこのほんち

山西通志

美

哀末紫所獲悉以奉六親有餘則及鄉人自無私馬年 三十二以某年月日終某年月日葬於凍水南原先待 累世同獎食口甚衆父兄以君孝謹自幼以家事委之 金月四月百十 枯晝夜服勤不過餘力專以稼穑畜牧致饒給不事奇 若吾儿之為雖古至治之世何以尚諸惜其無位而才 上至唐住宦院夷降在献弘曾祖諱林祖諱政父諱炳 制府君常嘆曰自吾兄之亡而家始貧使天下之民皆 不大施也夫人李氏同里人年二十八而寡父母欲奪 然一百九十四

20.10 not like / 肥宗族是賴鄉黨是師壽之少多命不可移有配有子 稍於君之墓光不及事君而事夫人久敢書聞見之實 千石極其榮養年八十三以某年月日終京師某月日 為人孝慈勤儉中外宗族慕仰其德一無問言子為二 里詠不幸早世里登進士累遷尚書都官郎中歷典數 而繫之以銘曰士不得位善無所施勤儉於躬家道以 州贈君官至尚書都官郎中夫人封永壽縣太君夫人 其志夫人自誓不許惡衣疏食躬執勤苦教畜二子詠 山西通志

考諱沂追贈光禄卿此李氏封永壽縣太君兄舉進士 金月四月百十 事故丞相龎公為鄜延經客使奏光通判鄜州徒知 州歷知慶成軍解房二州解房皆未到官徒知商州自 兄諱里字的遠曾祖考諱某妣某氏祖考諱某妣某氏 酒税改大理丞知猗氏縣未幾簽書保大軍節度判官 及第初命威勝軍判官又調理州觀察推官尋監渭州 後無棄基淑悪之效的然不欺 太常少卿司馬府君墓誌銘 卷一百九

常行行視天意氣如公相兄始至閥狱囚釋宙所妄繫 怨也在渝州其佐曰趙寅以傲很刻暴名於世雖卑位 遊笑語若無不可者及臨公事則正色力爭必當理然 勁直在鄜州州長皆武人多驕恣不法兄平居與之燕 以治平三年正月辛酉終於州解享年六十有九累官 後巳州長雖甚怒無如之何然知其無害已心亦不深 至太常少卿兄為人孝友居喪致哀寬厚容物而內守 商還京師監右廂店宅務丁永壽太君憂服除知乾州

たくこす 自己を言

山西通志

三十

之較久之宜疑自愧悔謝服及寅官滿泣涕不忍去兄 久不取者朝受以去惟掌店宅時留京師凡再期自餘 諭解往往晓寤忻悦殿訟而去故所至民愛慕去之久 銀片四月全書 多附戶家居未當及權貴之門視審官闕員榜於壁人 猶思詠不已然其奉上官無過分之禮每罷官入京師 者近百人與爭之兄一不顧既而詞禮仍慢兄亦不與 民心有悍狡為民害者痛絕以法愚弱不識理者徐為 早狐年過三十乃仕以是周知民間情偽其為政務合 卷一百九十四

處士贈著作郎野之女處士名重於真宗朝列傳在國 凡二十餘年能一施以恩無親疏賢不肖之間故人人 尚何求於人哉司馬氏同居累世宗族甚大兄為之長 無怨善為詩多為人傳誦夫人同郡魏氏封某縣君故 兄下遠甚以熟於時態往往取顯官兄處之宴然俱若 而朝廷終無從知之他人或仕官絕在兄後或才能出 不見聞者常曰吾幸以寒士積官至二千石自足已久 率不過數月巳去矣以是獨所治之民知其才業之美

とこつ画 とまる

小两通志

迫不暇請於他人故忍泣似而銘之光後兄二十一歲 金足四月百十 所知者以傳永久不敢以一言私也銘曰壽雖未島而 史夫人先兄十八年終於渝州享年若干子男二人雍 不為天官雖未顯而不為理德之和為泉所慕政之便 而生加之各從官四方於兄治行不能得其詳姑録其 終之歲某月某甲子與夫人合葬於先堂光以葬日之 周祐次通馮翊縣尉王淳蚤卒次通郊社裔郎在頡兄 大廟室長應試将作監主簿女三人長適內殿承制雷 瑟一百九十四

薛氏中微曽祖考諱防不仕祖考諱允恭贈諫議大夫 悲鳴呼哀哉 亂保河汾以自固歷劉石符氏莫能屈姚秦元魏以來 然率因遊宦去鄉里惟府君之先至今留居河東唐泉 始出仕為公侯哪相者比屑並起入唐尤盛號為甲族 魏晉之問薛氏始自蜀徒河東有部曲數千家水嘉之 為民所知任不苟進兮於道無虧兄令何恨兮生者同 殿中丞薛府君墓誌銘 山西南忠

銀定匹库全書 皆見於宋宣獻公所為太尉公之碑府君諱儀字式之 考諱田樞密直學士右諫議大夫贈太尉其行義功烈 監主簿太尉公知益州奏府君監鳳翔府商稅後徙知 太尉公之第二子始以父陰為太廟齋郎又除授将作 官除服知野縣徒知安邑通判渭州州将武人不能謹 河東縣府君年少河東士民皆鄉里長老然素嚴憚府 薦州大吏郝正者把其陰事招權受財莫敢詰府君至 君不敢干以私府君御之亦不失恩義之中以父憂去 卷一百九十四

或謂府君曰君自到渭名雖州佐其實将也張君有材 府君賢亦委以事如前将既而其官張君亢除知渭州 染於辭深德府君且內惭自是悉委事於府君後将知 以州事屬府君府君乃發正私出市馬收案代法将不 而尚氣到必不為君下彼不可以文法拘也君宜於事 ・・・ フニシンニー 以正罪惡言於将請治之将内密私以情告府君曰某 無所與庶幾自免府君喟然嘆曰吾推忠信正直之 **役去惡吏耳必不使及君将亦知府君不欺即移疾** 山西通志 7

邊覆軍殺将朝廷患之乃命范文正公為鄜延招討使 是聞者皆服張君之賢而重府君之正是時元吴數冠 廣座謂眾曰亢喜忠義與自俱生遇事 朝發不能顧愿 故數為小人所陷使為亢佐者皆如薛君亢復何思於 **必當理而後止僚更皆為之懼張君初無言久之乃於** 因人而變其守哉及張君至處事有失府君力爭如故 心以事人豈好犯上而專事那今張君來吾猶是心也 使張君賢必不我怨如其不賢獲罪亦命而已矣豈可

銀足四库全書

卷一百九十四

괘 奏曰朝廷從薛某之欲於其私固便然甚非張亢求與 官府君兄弟用太尉公恩得官河中者適皆罷去府君 以怠其心朝廷即以府君弟依知河東縣還府君鄜州 共事之意乞以降某還亢仍為徒其兄若弟鄉里一官 乃回解鄜州願監河中鹽稅以便親既得請范公處至 所以佐已之状乞移通判鄜州朝廷許之而府君母馮 以張君知鄜州為范公之副張君即具奏府君在渭州 Jano 11 212 1 郡太君党氏春秋高多疾顧戀鄉里不肯随諸子之 山西近志 (er

金是四库全書 山產銅請置監鑄錢朝廷下其議轉運使有是之者府 今賴之歲餘徒知深州遭母憂服除知商州慶思八年 **微遷就伏龜山計功數十萬時屬乗勝深入而州無役** 府君不得已之官張君忠州城太而處勢里難以待敵 問月灰戌終於州解年五十一先是屬縣宰有建言商 口薛君謂之可事無不成矣役始與而張君病失音府 君外備 冦敵內董役事人不知張君之病也城成民至 民欲以戰士築之衆咸以為難府君獨以為可張君喜 卷一百九十四

莫若言動交進名乃著五慎文以自做觀是二文足以 賦以刺世之嗜外物而忘其若者又以為事之當慎者 ハラララントラ 山西山岩 習律賦語意即馬奇驚人然不肯從進士舉當著夢點 勞費無益請以所得銅於舊監鑄錢銅竭而止章交上 竭如府君言军坐抵罪府君居家孝友自幼能屬文始 久不次會府君沒宰之說遂行縣官之數甚廣而銅尋 年鐵已竭其監當廢况又益置銅錢監銅產尤薄恐徒 君上言朝廷前置追民監於州境洪崖治鑄鐵錢未數

乃於本縣趙行村請直龍圖閣趙君尚状其治行以授 書郎張煦次早卒昌将以熙寧五年正月某甲子葬府 光使為之誌昔者先子常獲知於太尉公從兄里佐府 二男長曰昌朝由太子中允監察御史裹行坐正論不 氏直集賢院建中之孫又娶陳氏司農卿宗元之女生 殿中丞趙士寧又娶劉氏左諫議大夫綜之孫又娶李 知其志趣矣初娶唐氏天章問待制肅之女生一女適 阿默為大理寺並次曰昌期早卒二女長適秘書省校

錫定四庫全書

卷一百九十四

意宜疏而或以之親阿意宜合而或以之離益至誠可 父已日東台馬 以待無窮而辭色不過欺一時嗚呼允如薛君以忠信 光既取趙君之状詮次之义取私附其所知云銘曰迕 至上官信之僚友親之下民愛之令也幸使光誌其墓 巧嚴匿而明察物情其志常在利民而深疾姦惡故所 為人府君容貌温恭而內守堅正不可奪移語言無機 君於蘇州慕光亦嘗拜府君於兄舍以是煩知府君之 正直為心夫又何施而不宜 山西通志 100

廟為先居室為後及秦非笑聖人為減典禮務尊君此 金り 先王之制自天子至於官師皆有廟若子将營官室宗 でんろう 文潞公家廟碑 一百

臣於是天子之外無敢管宗廟者漢世公卿貴人多建

唐世贵臣皆有廟及五代荡析士民求生有所未建禮

私廟為執法所糾太宗命有司為之營構以恥之是以

逐著於令以官品為所祀世之數差唐侍中王珪不立

祠堂於墓所在都邑則鮮馬魏晉以降漸復廟制其後

惯羣臣贵窮公相而祖稱食於寢濟於無人慶思元年 颓教移廟制遂,絕宋與夷亂蘇疲久而未講仁宗皇帝 廟睿心至意形於嘆息益由古今異宜封爵殊制因疑 士大大亦以耳目不際往往不知廟之可設於家也皇 嗟憫臣喾因進對優聞聖言謂諸臣專殖第產不立私 述先典明諭上仁因循顧望遂踰十載緣偷襲弊殊可 因郊祀赦聽文武依舊式立家廟令雖下有司莫之舉 祐二年天子崇祀禮成平章事宋公奏言有司不能推 山西通志 Į.

古而下共奏請自平章事以上立四廟東宫少保以上 構之式靡所循依至和初西鎮長安訪唐朝之存者得 三廟其餘器服儀範俟更參酌以聞是歲十二月記如 杜收公舊迹止餘一堂四室及旁兩翼嘉祐元年始做 安故習常得該以為辭無肯唱衆為之者獨平章事文 其請既而在職者違慢相尚迄今廟制卒不立公卿亦 公首奏乞立廟河南明年七月有品可之然尚未知祭

銀定四库全書

成憚遂格記書請下禮官儒臣議定制度於是翰林承

一百九十

藏家譜材在中門之右省牲展饌滌濯在中門之左庖 自 光竊惟公追遠後古率禮與化之盛德不可以無傳雖 從來及廟之所由立垂示後昆而為我叙其事欸於石 始界廟而祀馬一旦授光以家譜曰予欲志族世之所 厨在其東南其外門再重西折而南出四年秋廟成以 而答之三年增置前兩無及門東無以藏祭器西無以 入輔出藩未尝踰時安處於洛元豐三年秋留守西都 知不文不敢解謹叙而銘之按譜云文氏之先出陳 山西通き 野

頻之八世孫曰曜曰播雕相中宗誅張易之奪武后天 史頻之六世孫曰肅曰君洪肅仕隋為賴川郡丞名列 欽定匹库全書 循吏以直抗宇文述老早秩君洪從唐高祖起晉陽為 別駕從北齊島祖起晉州就霸業戰功居多終兖州刺 乃可語部之六世孫頻後魏末為太守頻曾孫顯備以 教始家平陽其後有韶漢未為楊州刺史自韶以來世 公子完以諡為氏與謀祖韓同至秦有不生河東太守 右衛将軍太子建成除黨政官門君洪首奮提出戰沒 卷一百九十四

館生澤州録事參軍即公之島祖考也諱沿曾祖考諱 某仕後唐歷晉城天池平城三主簿避晉島祖諱更其 為北都留守判官始居介体晤生汾州參軍極極生館 平陽或遷太平或邊蒲阪或邊實問晦之從父昆弟晤 **騎常侍榮冠當時自顯傷至晦皆有傳見於史其家自** 夫括孫晦為太子賓客晦兄听為義成節度使肆為散 君洪之自孫羽為御史中丞肅之四世孫括為御史大 下歸之唐用雙人讒謫死嬌南指有史學官至給事中 • 山西通志 19

詳見於故平章事晏公參知政事王公所撰墓誌及碑 失天下其支别者自歸於晉陽復事之終風州録事參 三司開旅磨勘司終主客即中河東轉運司其治行之 十三官所至以殭直勤敏振利攘害名聞達不可掩判 陽召之不起以廟諱故復為文氏考諱某以儒學進歴 軍祖考諱某辟石州幕府棄官歸鄉里太宗皇帝平晉 氏曰文歷嶂太谷二令漢高祖即位復舊氏更名甚漢 公贵朝廷褒榮三代贈官皆至太師中書令無尚書令

盆定匹库全書

卷一百九

Man Die Vitalia 行此皆禮之從宜者也其銘曰鬱彼喬木茂於苞根浩 方不常具居乃酌古諸侯載遷主之義作車奉神板以 敢作主用晉首安昌公祠制作神板采唐周元陽議祀 以元日寒食秋分冬夏至致齎一日又以或受韵之四 國太大人耿氏魯國太大人申氏配公以廟制未備不 周國太夫人王氏越國太夫人郭氏配魏公居東室魏 配熊公為第二室燕國太夫人宋氏配周公為第三室 爵燕周魏三國公廟成澤州府君為第一室夫人某氏 山两通志

是斷是節達於有洛是相是虞是小是趣是祭是抹是 察其威至也民 悦去也民思其思若何式謠且歌歌政 **游允樂兹土永燕私處伊水洋洋山木營營是榆是劇** 妖悖暴紛囂公徃逍遥不日而消仁祖遣疾羣心震慄 哲臣乃斡樞軸乃東鎔釣克釐克講允武允文甘陵有 彼長川於於沒源別人之先云誰敢該天佑有宋誕生 之和在洛為多謀居之安疇如得民公自汾渚運於洛 公入密勿四海清諡出奠方維為諸侯即以惠以綏不

金牙口尼石丁

恁一百九

崇營豊泰天匪公私公德是宜帝匪公優公熟是鷗公 芬祖考於放百報來 臻天錫公祉强明壽愷帝錫公禄 庫維子孫是利克恭克儉予展予視俾躬之為美匪目 康人隘公庭公曰予寧人勿予隘維子孫是賴人勿予 既滌掃灑既備青酒既沖到牲為傷乃薦乃陳苾苾芬 之為麗廟堂既闢四室有恤泰牲孔碩導泰及稷且導 予居風雨是無勿修勿崇予躬是容人庫公堂公曰予 植是扶是茨是塗作廟渠渠新廟既成室家是營公曰

つい これ フ・ト・

山西通芯

として

直記其事且鎮所目擊足以示後世者鎮與公出處交 遊四十餘年如一日公之所以在家如在朝也事必稽 奏八紙皆手札當世要務翰林學士蘇軾状公如此益 公諱光字君實自兒童凛然如成人公既沒其家得遺 替勿忘時奉烝常保公之烈光 **到庄四月在書** 拜籍首楊天子之休思純終始式治孫子子子孫孫勿 古而行之動容周旋無不在禮害自號為迁叟而親為 司馬文正公墓誌銘 卷一百九十四 鎮

海 公銘也銘曰於穆安平有魏忠臣更六百年有其元孫 止不欺而已哉且約鎮生而互為之傳後死者當作銘 事君亦然今觀公得志澤加於民天下所以期公者豈 隸書以抵鎮曰迁叟之事親無以逾人能不欺而已矣 元孫温公前人是似率其誠心以佐天子天子聖明四 公則為鎮傳矣鎮未及為而公薨嗚呼鎮老矣不意為 ハヘンフェン・ル・ 西樞曰予耆老公言如經其或不然帝獨賢公欲使並 一心有從有違咸卒用公公之顯用自我神考命於 山西通志

亦何失四方頌之豈惟兹石 岛员匹母全書 因惟民是師事既粗定公亦不留龍家蟬冠歸於其郎 公之在朝布衣脱栗惟其為善惟日不足生既不有死 惟天二聖臨我如山如淵公惟相之亦何所為惟天是 川之迎如冰之開或蹈其機宜人也哉公亦不知曰是 以遺聖子惟我聖子協德聖母人事盡矣天命順矣如 存公退如避歸居洛師帝徐思之既克知之知而不以 明後先生墓誌銘 卷一百九 歐陽修

成丞相之賢名於是乃許孔給事道輔為人剛直嚴重 馬介與羣弟子進曰公卿不下士久矣令丞相不以先 賢而有道者石介自介而下皆以弟子事之先生年逾 中退居泰山之陽學春秋著尊王發微魯多學者其尤 生貧賤而欲託以子是髙先生之行義也先生宜囚以 四十家貧不娶李丞相迪将以其弟之女妻之先生疑 不妄與人間先生之風就見之介執杖優侍左右先生 先生諱復字明後姓孫氏晉州平陽人也少舉進士不 山西通志

為侍講而族之者言其講說多異先儒逐止七年徐州 曰先生非隱者也欲仕而未得其方也慶思二年樞密 此兩人由是始識師弟子之禮莫不嗟嘆之而李永相 坐則立升降拜則扶之及其往謝也亦然魯人既素息 銀定四库全書 人孔直温以狂謀捕治索其家得詩有先生姓名坐貶 廷召拜校書郎國子監直講常召見過英閣説詩将以 副使范仲淹資政殿學士富獨言其道德經術宜在朝 孔給事亦以此見稱於士大夫其後介為學官語於朝 卷一石九十四

家享年六十有六官至殿中丞先生在太學時為大理 府判官公事通判陵州翰林學士趙裝等十餘人上言 監處州商稅徒泗州又徙知河南府長水縣簽署應天 錢十萬而公卿大大朋友太學之諸生相與吊哭賻治 評事天子臨幸賜以維衣銀魚及聞其喪惻然子其家 監直講居三歳以嘉祐二年七月二十四日以疾卒於 孫某行為世法經為人師不宜棄之遠方乃復為國子 其丧於是以其年十月二十七日葬先生於鄆州須城 日田河地

密使解琦言之天子選書吏給紙筆命其門人祖無擇 以亂經其言簡易明於諸侯大夫功罪以考時之盛哀 忠之寡攻草往往止燎以膏薪有勇夫子關浮雲刮磨 乗之 川其原怪迂百出雜偽真後生率 里習前聞有欲 就其家得其書十有五篇錄之藏於秘閣先生一子大 縣盧泉鄉之北扈原先生治春秋不惑傳註不為曲説 年尚幼銘口聖既及經更戰焚逃藏脫亂僅傳存衆說 推見王道之治亂得於經之本義為多方其病時極

金定匹库全書

卷一百九十四

敬蝕相吐吞日月卒復光破昏博哉功利無窮垠有考 其不在斯文 薛簡肅公墓誌

明道二年尚書禮部侍郎參知政事河東公以疾告歸

資政殿學士戸部侍郎判尚書都省罷其政事景祐元 如故居歲中數以告乃得還第又數以告然後拜公為

其政天子曰吾不可數煩公乃詔優公不朝而使視事

年八月庚申公薨於家年六十有八贈兵部尚書公諱 しょうころ とこと 山西通芯

五十二

奎字宿藝姓薛氏絳州正平人也公為人敦篤忠烈果 州推官士爭薦其能拜大理寺丞知與化軍莆田縣悉 隰州軍事推官始至取州獄已成書活完者四人徒儀 於是鄉里皆稱之淳化三年再舉乃授秘書省校書郎 敢明達初舉進士為州第一讓其里人王嚴而居其次 公乃募民有力者弛其山使自約利而收其鐵租以鑄 河南長水縣徙知與州州舊鑄鐵錢用工多人以為苦 故時王氏無名租莆田人至今以為德遇殿中丞知

金定四母全書

卷一百九十

- 2 A. Jana Sukin 司使李士衛爭事省中士衛板時權貴人為助出知延 後罪及其多轉吏部員外郎入為三司戸部副使與三 揚州河蘇其三堰以便漕船歳以八百萬石食京師基 三司都磨勘司錫維衣銀魚出為陝西轉運司使坐舉 州遷右諫議大大御史中丞契丹使蕭從順來朝是時 改尚書戶部員外郎淮南轉運使江淮制置發運使開 人免官居數月通判陝府歲餘台還臺安撫河北稱古 悉罷役者人用不勞遷太常博士台為殿中侍御史判 山西通志

儉積蓄教民水種歲中遷樞密直學士知益州而秦之 百頃所得弱栗又十餘萬秦州之民與其番落數千人 餘栗積者三百萬征算之行者三十萬聚民舊隱田數 從 至與丹者皆見太后遂請見朝議未次公獨以理折之 莊獻明肅太后垂篇聽政從順舉止多不遜以謂南使 請將運使請留不果公在開封以嚴為治民相戒曰是 士出知并州改知秦州秦州宿重兵兵喾融食公為勤 順乃止而族公者養其漏禁中語由是拜集賢院學

金月四月百書

K

一百九十四

時中書印者夜以錦囊掛之西門門者以白蜀人隨之 事公入謝上曰先帝嘗言卿可用吾今用卿矣公常便 女皆孤民或妄爭其產公析其資為三為嫁其女於是 俸錢與之日用此為生以養母子遂相慈孝里富人三 者萬計皆怕怕出異語且觀公所為顧主吏藏之界不 人皆以公為仁入拜龍圖閣學士權三司使拜泰知政 取視民乃止老 妈告其子不孝者子訴貧不能養公取 不可犯也图圈為之數空居蜀尤有善政民有得偽蜀 山西通志

言契丹欲棄約舉兵上亚召大臣議或欲選将增兵公 必問公所在及聞已用乃皆曰是得人矣邊吏得牒者 契丹與其君臣語而以論議服其坐中其後契丹使來 銀定四库全書 服見祖廟若何而拜乎太后不能奪為改他服太后崩 天子家見見太朝臣下依違不次公獨爭之曰必若王 果如公言於是益重之明道二年莊獻明肅太后欲以 失持重之勢而使其可窥已而卒無事他日上顧公曰 口契丹畏勢而貪利且無除以開其端其必不動不宜 卷一百九十四

屬何也公處曰其在家冕也然服之豈可見先帝乎上 雖在大位家人勤儉不知為驕奢諸子幼孤撫養不具 大悟卒以后服葬於是益以公為果可用也公子男 上見華臣泣曰太后疾不能言而摘數引其衣若有所 甲子其孤直孺奉其極自京師葬於絳州先期状公之 人直稿大理寺丞女五人次適廬陵歐陽修公性孝慈 功行上之太常議日諡法一德不懈日簡執心決斷 - こ・こ) し しょう 生所為文章四十卷直而有氣如其為人五年某月 W 山内可是也

肅今其状應法乃諡曰簡肅 銀定匹库全書 呂梁碑 E! 卷一百九十四 維 泌

言此於傳無聞矣据碑之言皇帝登封之歲則益秦漢 問人也碑中似紀虞帝之世云舜祖慕慕生窮蟬窮蟬 召梁碑劉耽作字為小篆鉤畫譌泐問可認者僅六十 生敬原敬康生喬牛喬牛生瞽瞍瞽瞍產舜命禹行水

言出自黃帝諒得其正甲申秋七月觀於內相郭知章

道吕梁将此節完備為可考質之於傳惟無句望且不

歲之後予得論而次之天未喪斯文哉召祭者龍門也 德千古被之而無戰者孰有世祀之不明者乎蘇數千 先生姓侯氏名可字無可太原府盂縣人官學四方因 等處之龍門云 二百斯其一也字勢權奇益莫之辨嗚呼有虞氏之明 而彭城之東一亭亦有所謂日梁益猶夷陵陸渾交吐 明叔家公異時亦當集録古刻多六一先生之未見者 . J. 27 ... 21 J. L. ... 殿中丞侯先生墓誌銘 山西通志 顥

善其禮命者亦時往應之故自陝而西多宗先生之學 寓華陰少時倜儻不羈以氣節自喜既壮盡易前好寫 所遇因喟然太息曰丈夫之事止於是乎會蠻首僕智 志為學祁寒·酷暑未當廢業博極窮書聲聞四馳就學 金定四百全書 高攻陷二廣孫威敏公奉命出征習先生之賢請干其 見親老而家益貧思得禄養勉就科舉再試春官卒無 者日東雖邊隅遠人皆願受業諸侯交以書幣迎致有 元昊盜邊時名卿賢儒結轍西使服先生之名莫不願 卷一百九十四

禁戒或親至病家為視醫藥所活既聚人亦知化巴人 無過時之女遂變其俗巴山土薄民貧絲帛之賦反倍 制度稱其家之有無語之約曰喻是者有誅未越歲門 他所日益凋弊先生抗議計司爭之數十卒得均之傍 取婦心責財於女氏貧人至有老不得嫁者先生為立 非宜遂改文資調知巴州化成縣巴俗尚思而廢醫惟 12 10 12 hills 巫言是用雖父母之疾皆棄弗視先生誨以義理嚴其 軍事先生喬然從之振旅奏功初命武爵言事者以為 山西通志

質其田券多至萬山歲責其入先生晨馳至其家發擅 (J.E.) 或數百里所殺不可勝數後皆避人遠去不復為害再 出於台其主而歸之失業者復安其生都骨魏至誠愈 校凶暴持郡吏短長而為姦利前後為守者莫能去! 日夜置器械發徒衆親執弓矢與之從事跡而追之遠 郡境多虎豹農者不敢朝暮耕商旅俟聚而後行先生 那思之先生暴其罪荷校置於獄自守而下畏恐生禍 耀州華原主簿有富人不占地籍惟以利誘貧民而

金足匹库全書

卷一百九十四

忠獻公鎮長安薦知涇陽縣至則鑿小鄭泉以廣灌溉 博之最就改大理評事部使马留遂復簽書本官事韓 薦者監慶州折博務歲滿授儀州軍事判官計省第折 交為之請先生不顧卒言於即府而誅之聞者快服用 有緒讒毀交至以微文細故為先生罪遂罷其役美利 議復鄭白售利未幾名至闕下得對便殿始命計工與 不完論者惜之元豐已未季夏先生以疾終於家身年 役旋復專總其事邀功害能之人疾其不自已出罪功 山西通志 五九

一成達不啻如在已也博物强記貫涉萬類若禮之制度 樂之形聲詩之比與易之象數天文地理陰陽氣運醫 屈於人視貪邪姦传若冠賊響怨顯攻面數以其人改 銀定四年全書 樂算數之學無不完其淵源先生發强壮勵勇於有為 而後已雖甚贵勢視之貌然遇人之善友之助之欲其 之急憂人之憂謀其道不謀其利忠於君不顧其身古 而平易仁恕中懷洞然至於輕財樂義安貧守義急人 七十有三先生純誠孝友剛正明決非其善一毫不以 卷一百九十

適有饋白金者先生顧顏之孤妹為憂未遑恤已遂以 嫁之近世朋友道簿臨思難鮮不愛其力聞先生之風 衣以益之卒襄其事時方天寒先生與其子單服以居 少與申頗為友易衣互出而謀食以養二家如一顏病 而未能顏死無子又不克葬先生辛勤百圖不足則賣 其待侯君乎未敛而先生至撫之而瞑顏謀葬其先世 先生徒步千里為之求醫歸而顏死矣其目不與人曰 人所難能者先生安而行之益出於自然非勉强所及

人名可重白語 一

山西通志

銀片 當其數盡以與之皆隨計請京師里中出金購行比還 悉散其所餘曰此金鄉里所以資應詔也不可以為他 須百千乃為治賣吾廬而不售先生憫然計囊中装適 遠歸家人方以寶告友人郭行者詣門曰吾父病亟醫 得其所者必以先生為歸非力能也誠使然也一日自 利當與同學者共之且行聞鄉人有病於逆旅者先生 可以激颓波而起廢疾先生家無甔石之儲而人有不 曰吾歸則彼死矣遂留不去病者喻貧無以為車來先 四人人有重 是一百九

熟羊而撫之忠獻公上其功朝廷赏以滅改績之年治 獻公請先生謀消源之地先生馳至境上召其首豪六 其克巴濟物若是者多矣少喜攘直孫武之學兵家之 門輸土納金願為藩籬一塵不驚而開地八千頃因城 旅織細備具聽之者宛如在目前熙河未開之時韓忠 事無所不通尤詳於西北形勢談其山川道路郡縣部 生日子行則未能留則将因因推其馬與之磯步而歸 ペスンマーラ えんち 百人諭以朝廷恩德為明利害皆感悟喜躍異日詩軍 山西通志

貲雜羌離怨亦甚其後釋其麼而歸之成人感服乃先 生發其謀也平生以勤學新民為已任主華學之教育 親愛而質之多至七百人久者已數十歲公家之费不 疑以為大兵務已終不敢擊秦州舊苦蕃酋反覆繁基 其騎為三四令之曰島爾旗幟旋山徐行虜循環問見 金好四母有書 於朝時屬未去遠遣先生按視其迹受命即行人皆為 之寒心先生以數十騎馳涉虜境日幕猝與虜遇乃分 平中房皆冠邊主将出兵禦戰轉運使以為妄舉互言 卷一百九十四

成就材德可勝道哉先生之文无長於詩晚益玩心於 皆隱德弗耀父譚道濟潤州丹徒令贈尚書比部員外 忘於正可謂至矣大王父諱元王父諱爲當五代之亂 繼以其妹封永壽縣君二子曰字曰淳三孫尚幼先生 郎母刁氏追封福昌縣太君妻劉氏早卒封延長縣君 者幾二十年官之所至必為之治學舍與終誦其所以 勿為浮屠事焚格貨徽福與利非吾志也嗚呼死而不 天人性命之學其自樂者深矣病革命其子曰吾死慎 山西通志

生之堂惟其清風與山無窮 多定匹库全書 得論載行治之美以語後人銘曰南山崇崇其下也先 前夫人科為類先生女弟之子也知先生之道為詳故 之官自評事四選為殿中必惜宣奉郎熱騎都尉服錫 五品既終之明年仲秋八月寄葬於華陰之保德鄉聚 山西通志卷一百九十四 卷一百九十四